

Incumbensa Gasser concernent la rapportaziun annuala davart la situaziun dals donns da selvaschina

Sin fundament da la resposta da la Regenza a la dumonda Gasser concernent la charta davart l'influenza da la selvaschina e la scolaziun e furmaziun supplementara, inoltrada en la sessiun da december 2019, correspundan la metodica e la forza expressiva da la charta davart l'influenza da la selvaschina – tenor in'expertisa – a las prescripziuns federalas en l'agid d'execuziun «Gaud e selvaschina» (UFAM 2010) ed en la publicaziun «Gaud e selvaschina – princips per la pratica» (UFAM 2010). Il 2018/2019 ha l'Uffizi da gaud e privels da la natira (UGP) duvrà per l'emprima giada la charta davart l'influenza da la selvaschina sco basa per annunziar annualmain la situaziun a l'Uffizi da chatscha e pestga (UCP). Ils resultats da las annunziats annualas dals donns da selvaschina en tut il chantun vegnan – tenor la Regenza – resguardads per fixar las cifras da prelevaziun. La dimensiun dals donns constatads dal UGP e dal UCP sco er las finamiras e las mesiras per mitigiar quests donns ston vegnir rendids accessibels als acturs directamain pertutgads (chatschaders, selviculturs e proprietaris da gaud) en ina furma adattada. Il medem vala er envers la populaziun: sche la populaziun vegn infurmada objectivamain davart ils connexs en la problematica dal gaud e da la selvaschina, contribuescha quai a la meglra chapientscha dal svilup persistent en il gaud sco er a la trasparenza davart las consequenzas finanzialas per il maun public.

Las sutsegnadras ed ils sutsegnaders incumbenseschan la Regenza:

1. da communitgar a tut las federaziuns da chatschaders, da selviculturs e da proprietaris da gaud sco er a la publicitad en ina furma adattada las basas ed ils resultats da la retschertga davart l'influenza annuala da la selvaschina sin il stadi dal gaud, e quai mintgamai la primavaira avant il cumenzament da la planisaziun da la chatscha;
2. d'infurmar periodicamain il Cussegl grond e la publicitad davart las consequenzas finanzialas che resultan per il maun public pervia d'ina influenza memia gronda da la selvaschina e pervia da las midadas climaticas en il gaud.

Tavau, ils 9 da december 2020

Gasser, Danuser, Loepfe, Baselgia-Brunner, Bigliel, Brunold, Buchli-Mannhart, Cahenzli-Philipp, Caviezel (Cuir), Clalüna, Della Vedova, Deplazes (Rabius), Ellemunter, Florin-Caluori, Geisseler, Hardegger, Hefti, Hofmann, Jenny, Jochum, Kappeler, Kohler, Lamprecht, Maissen, Michael (Castasegna), Müller (Favugn), Müller (Susch), Natter, Niggli (Samedan), Niggli-Mathis (Grüsch), Papa, Perl, Preisig, Ruckstuhl, Tanner, Tomaschett-Berther (Trun), von Ballmoos, Waidacher, Widmer (Favugn), Giudicetti, Pajic